



UNIVERSITÄTS-
BIBLIOTHEK
PADERBORN

Universitätsbibliothek Paderborn

De Ecclesiastica Hymnodia Libri Tres

Secchi, Anacleto

Antverpiæ, 1634

Cap. XII. De defectibus circa formam diuini Officij.

[urn:nbn:de:hbz:466:1-45942](#)

non voce, sed vel organo solo, vel solis aliis instrumentis reddantur. Quo cumentu, ut seruer integritas, debent ij Versiculi per vnum vel duos de choro voce congrua, quæ ab omnibus exaudiiri queat, pronuntiari; nam alioquin mediens Psalmorum omittetur. Contingit quandoque à musicis mutari Hymni cantum in aliam compositionem suauiorem, ad arbitrium. Quo enetu, qui sunt in choro Ecclesiastici debent Hymnum ab Ecclesia præscriptum omnino supplere. A nonnullis denique omittuntur aliquando unus vel plures Psalmi, ob eamdem causam, scilicet insertiendi festiioribus aliis aut instrumentorum aut vocum symphonii. Hoc omnino repugnat formæ diuino Officio ab Ecclesia præstite, quam nefas est mutare, ut sumus moricturi.

CAPUT XII.

*Dedefectibus circa formam diuini
Officij.*

Canonica-
rum pre-
cum digni-
tas, & san-
ctitas.

FORMA diuinarum laudum, quam in Horis adhibemus Canonis, tantæ est dignitas ac sanctitatis, ut nefas sit illam aut mutare, aut minuere, aut quoquomodo violare. Dignitas & sanctitas huius facile comprobatur ex omnibus illis Capitibus, quæ primo Libro descripta sunt, circa præstantiam & effectus harum laudum, quia nimirum à Spiritu sancto, qui Sponsus est Ecclesie, est dictata: quæ autem à Spiritu sancto sunt, alta sunt & sancta. Deinde, quia sublimia Religionis nostræ mysteria complectitur, ut sanctissime

diffimae Trinitatis, Dominicæ incarnationis, vi-
tae, passionis, mortis, Resurrectionis, & iudicia-
rie potestatis. Præterea quia comprehendit reli-
giolissimos actus, quos erga Deum exercere de-
bemus, fidei, spei, caritatis, adorationis, submis-
sionis, laudationis, gratiarum actionis. Insuper,
quia offert verba & sententias apertissimas ad om-
ne bonum obtainendum, & ad omne malum a-
vertendum. Ulterius, quia intentio Ecclesiæ, in
huius formæ præscriptione & vsu, est altissima
& sanctissima. Tandem, quia ab eadem Eccle-
sia graui præcepto iubetur, ut non liceat sine
culpa illam violare, præsertim post editam Pij V.
constitutionem, quæ ritum præscribit Officio
diuino.

Integritas igitur huius formæ seruanda est, ita
ut nemo sciens prudenter omittat aut totum Of-
ficium, aut aliquam Horam, aut eiusdem par-
tem, ne culpam contrahat vel mortalem, vel ve-
nialem, magis minusve grauem pro qualitate
tum omissionis, tum omittentis: nam etiam *Recitantis*
omittentis conditio sicut augere potest obligatio- *conditio*
nem recitationis, ita etiam poterit aggrauare vio- *obligatio-*
lationem. Si omittens est in sacris constitutus Or- *nem ange-*
dinibus, & etiam beneficiatus, grauius certè de-
linquit quam simplex Clericus tantummodo be-
neficiatus: ita & Sacerdos Religionem profes-
sus magis delinquere censembitur quam Sacerdos
simplex. Qui item plura beneficia possidet, ma-
gis peccat quam unum tantum possidens. Ad *Horarum*
eiusdem formæ conseruationem spectat ordo *& Psalmo-*
rum ordo
constitutus Horis Canonicas, ita ut nemini liceat, *seruandus*
sine causa rationabili, hunc ordinem interuertere *in recita-*
tione Offi-
cij dñsni.

aut causa cogeret ordinem mutare, ita ut posterior Hora dicatur ante expletam priorem; aut quis Psalmum Lectionemque posteriores dicit ante priores, tunc peracto officio debet supplere prætermissa. Imò si aliquis, ex mala consuetudine contracta, solitus esset hunc ordinem scienter interuertere absque causa, non excusaretur à lethali noxa, quia grauiter derogat ordini ab Ecclesia constituto, & obseruato.

*Syncopatio
vitanda.*

Vitiari contingit huius formæ integratatem variis modis. Primò verborum syncopatione, quando nimirum verba absorbentur, mutilantur, & truncatim proferuntur; quemadmodum, non fine audientium offensione, euenire conspicitur in multis Ecclesiis tam Canonicorū quam Regulare, ob nimiam recitantium festinationem, qui neque seipso intelligunt. Huiusmodi syncopatio si est notabilis, quia accidit Officio publico, lethalem noxam habet coniunctam, quia viola-

C. Dolētes. tur præceptum in re graui. Quando præscribitur *De celebr.* à Iure, vt diuinum celebretur Officium studiosè, *Missæ.* explicauit Glossa intelligendum esse absque syncopa, & absque mutilatione. Quæ culpa gravitas excusaretur, si abusus & excessus non esset magni momenti. Imò omnis culpa excusaretur, si inuoluntaria foret syncopatio, vti accidit lingua habentibus aliquo impedimento detentam, nimirum aut naturali balbutie, aut precipitania, aut etiam inolita consuetudine, quæ studio corrigi emendarive nequeat. Vitiatur etiam interruptione, dum quis inter recitandum interponit aut actiones, aut sermones ad ipsum Officium nihil spectantes, nec saluti spirituali aut corporali, nec item utilitati aut proximi aut ipsius psallentis

psallentis necessarios. Vnitas vniuscuiusque Horæ sicut pertinet ad solemnem ritum, & ad formam ab Ecclesia præscriptam, ita seruanda est iuxta præscriptionem, alioquin culpa contrahitur maior minórve, iuxta quantitatem interrupcionis. Ad quam iudicandam, an magna sit vel modica, expendi debent qualitates Horæ tunc temporis recitatæ. Sicut non omnes Horæ sunt æqualis formæ, sed vna est altera longior, ita maior requiretur interruptio in longiori Hora, veluti in Matutinis, quām in breuiori, veluti Tertia, Sexta, Nona. Et ne integritas maneat violata, in *Omissiones* omnibus hisce casibus supplenda sunt quæ fuerunt interrupta. Non decet tamen statim supplente in ipsa Officij recitatione, nisi tam modica esset omissione, ut posset commodè suppleri absque aliorum offensione, & eius dilatio in finem Officij periculum afferre posset obliuionis. Melius semper censetur, supplere omissions post Horam expletam, quia omnis sibilatio & mussitatio, quamvis leuis, offendit socios vicinos.

Numquam dicenda erit violata huiusmodi integritas ex modica aliqua omissione sine partis, sive etiam integri versiculi, quando ea euenit ex naturæ aliqua necessaria occasione; qualis esset taliis importuna, aut excreatus, aut sternutatio, quæ nec impediri, nec differri commodè possunt. Expleta naturæ necessitate, melius est incepsum prosequi cantum vñà cum aliis, quām propriæ consulere satisfactioni, submissè repetendo omessa, non sine circumstantium offensione, quemadmodū quidam plus iusto timidi repetere volunt.

Si interrupciones acciderent ex causa ad ipsum Officium diuinum pertinente, vtī quando mini-

stri

*in diuino
Officio
quomodo,
et quando
supplenda.*

Omissiones stri celebranti solemniter deseruire debent, vel ratione Officij occurrentes an supplenda. Molfes. Tractat. 5. Can. c. 2. nu. 21.

Iumina ab Altari allaturi sunt, vel incensum è laetitia desumpturi, vel ad Altare procedunt, tunc nulla contrahitur culpa ob has interruptiones: imò, secundùm aliquos Doctores, isti non tenetur supplere quod omittunt, dum in rebus ad Officium diuinum necessariis occupantur; quia illa occupatio supplet loco Officij non audit, dum ministrant solemnitati recitantium. Quæ sententia sicut videtur rationi conformis, ita deseruire potest timidioribus, ne abstineant à necessariis munis ad chorum spectantibus, ob timorem peccati. Nihilominus consultius est, in fine chori supplere quod omissum sit, præsertim si pars Nauar. de omissa sit notabilis, uti appositè monuit Nauar.

Orat. c. 10. rus, ut integritas formæ seruetur.

Interruptiones non admittenda ob qualibet causam.

Quamuis dari possint causæ legitimæ, quæ excusent à culpa quasdam diuini Officij interruptiones, præsertim non graues, qualis esse potest utilitas aut spiritualis, aut etiam ciuilis seu corporalis proximi, quemadmodum obseruauimus fieri à viris tum doctrina tum religione insignibus, qui è choro exeunt, ut vocantibus laicis respondent; iisque dimissis, iterum ad chorum redeunt, prosequentes recitationem cum aliis, supplentes deinde, expleto Officio, quod omiserunt tempore absentiae: nihilominus, si necessitas non urget, laudabilius est, Deo in primis vacare, deinde laicis etiam maximè nobilibus respondere. Huius rei insigne exemplū reliquit po-

Surius 26. Martij. steris sanctus Ludgerus Episcopus Monasteriensis, qui accersitus à Carolo Magno Imperatore, ob grauiam Reipublicæ negotia, dum hic cum suis familiaribus diuinum recitaret Officium, licet

ter fuissest per primarios Palati viros sollicitè vocatus, noluit tamen nisi consummatis Horis adire Imperatorem, diuinum opus cunctis aliis negotiis anteponendum cognoscens. Indignatus Imperator conquestus est de hac mora. Episcopus deuotus hanc obtulit excusationem : *Instissi-Officium me discretionis regulam secutus, Deum tibi & cun- diuinum itis in terra mortalibus præferendum censeo, ideo non omit- non ob Imperatoriæ maiestatis contemptum, uti ma- tendum propter lenoli criminantur, sed potius propter tuam salu- Principum tem, quæ Deo debebam prius exoluere curani, ex-negotia. peditior effectus ad ea qua mihi à te mandabuntur.*

Hanc responsonem Christianissimus Imperator admirans ait : *Gratias habeo, Episcope, quia qua- lem te esse credidi semper, talem te nunc esse exper- tus sum. Tu, ut hactenus fecisti, Dei semper exequ- re voluntatem, & simul nobis deuotus & fidelis, pro nostri Imperij statu orare memento. Hic sanctus vir exemplum dignum reliquit omnibus Ecclesiasti- Dei opus cis circa modum prosequendi laudes Dei ince- præferen- ptas, nec eas facilè interrumpendi ob sacerdotalia dum ceteris negotiis.*

300.0.0.0

negotia, neque propter potentiam aut reueren- tiam Magnatum, cum maior sit dignitas Dei, quem tunc alloquuntur, quam omnes terrenæ potestates; nec propter timorem amittendi gratiam siue istorum siue quorumcumque amico- rum, qui immò coguntur vehementius amare & astimare eos, qui Deo tanta seruiunt fidelitate. Audiant hoc exemplum qui libenter è choro dis- cedunt, vt laicorum negotia expediant. Vtinam quidam non reperiantur, qui negotiorum occa- siones querant, vel etiam data opera differant negotiorum expeditionem ad tempus diuini Offi- ciij, vt euocentur à choro.

Violatur tandem forma diuini Officij, quando quis commutaret sine iusta causa Horas vnius diei in alias alterius diei. Si quis Officium Feria quintæ vel Dominicæ commutaret in Officium Feria tertiiæ, quia breuius sit, id est violare legem latam à Pio V. in re graui. Nam si culpa grauis est omittere partem alicuius Horæ notabilem, vt quando quis tertiam aut quartam Matutini partem omittet; ita etiam culpa grauis dicenda est, quando quis integras Laudes Matutinas commutaret in breuiores alterius diei, quia non soluit integrum pensum illi diei debitum, sed potius tantummodo partem illius. A qua culpa excusari possunt, qui per obliuionem, aut ignorantiam, aut errorem, aut inaduertentiam in ordinando Officio diei ad hanc deuenirent mutationem. Quemadmodum si non rectè aspicientes Kalendarium, putassent eo die esse aliquam festiuitatem, cum esset Feria; vel Feriam crederent, cum esset festiuitas. In his eventibus bona fides excusat; tuncque valet illud vulgatum proloquium: *Officium pro Officio supplet.* Alias causas à Doctoribus admissas ad tolerandā aliquam Officij mutationem, eam præsertim, quando quis ex devotione per aliquam tantum vicem mutaret Officium de Feria in Officium Sancti eo die occurrentis, de quo Ecclesia non celebrat; has, inquam, causas non admirerem in publica recitatione Officij quæ in choro expletur: maior enim extat imposita obligatio communi & publicæ recitationi quam priuatæ, circa rituum Ecclesiæ observationem; sicuti & Decreta Summorum Dist. 5. cap. Pontificum, circa tempora, locum & modum psallendi tradita, diriguntur ad psallentes publicæ

Nauarrus
cap. 19. de
Orat.

De Cœscr. siæ obseruationem; sicuti & Decreta Summorum Dist. 5. cap. Pontificum, circa tempora, locum & modum Conuenit.

cē in Ecclesia. Nec libertas, quantum ad tempus, locum & modum recitandi concessa priuatis personis, ad publicam in choro recitationem extendi debet: imò in ipsa priuata recitatione locum nequit amplius habere ista præcitata doctrina, concedens, deuotionis causa, mutationem Officij, cùm id nuper fuerit grāui sacræ Rituum Congregationis Decreto, auctoritate summi Pontificis Urbani VIII. edito, omnino prohibitum; sublata etiam Episcopis facultate, quidquam in Romano Breuiario circa Officij qualitatem mutandi ex quacumque causa, inconsulto Romano Pontifice. Quare neque in choro, neque priuatè quis poterit in posterum, siue ex deuotione, siue ex alia simili causa, mutare Officij diuini qualitatem siue formam præscriptam in Romano Breuiario, alioquin recitationis obligationi minimè satisfaceret, vt distinctè cauetur in dicto Decreto.

Illam tamen censem docti & pij viri causam legitimam mutandi, etiam quoad chorū, aliquas diuini Officij horas, quando quis extra chorū recitare incepisset Officium vnius qualitatis, iuxta ritum in Kalendario descriptum, & ad chorū accedens, inueniret, ab aliis tunc fieri Officium siue Dedicationis Templi, siue Reliquiæ in ea Ecclesia existentis; nam eo euentu licet poterit iste explere reliquum Officium iuxta chorū ritum, nec huiusmodi mutatio dicenda esset vi-
tiosa.

Huius formæ conseruationi maximè deseruit studium conformandi se toti Ecclesiæ; ita ut, quantum fieri possit, vbique seruetur eadem forma, nec ob quamlibet causam facile mutetur,

Ll 3

sicuti

sicuti aliquando in multis diœcesibus, ad faciliorem recitantium commoditatem, accidere solet, non sine graui offensione pulchritudinis & decoris Ecclesiasticæ Hierarchiæ. Conspicere nobis contigit apud nonnullas Septemtrionalis regionis vrbes, ab Ecclesiasticis, ex quorumdam Prælatorum siue incuria siue culpabili connivenientia, ad indulgendum aut ipsorum psallentium, aut laicorum conuenientium, Magnatum præsertim, genio, tum Vesperarum, tum Matutini Officium trium tantummodò Psalmorum cantu absolui, quamvis ibidem Romanum Breuiarium, auctoritate Pij V. summi Pontificis recognitum & approbatum, sit in usu. Vigilare debent omnes Episcopi, & alij Prælati Ordinarij, vt si qui sunt introducti abusus circa hanc formæ variationem, vel quia mutata sint Officia Feriarum in alia Sanctorum festiua, occasione sumpta ex quolibet Altari vel beneficio in Diœcesi existentibus, vel quia mutilata sint Officia ex pronitate hominum ad libertatem, prorsus tollantur, & ad formæ vnitatem cum tota Ecclesia renocentur; vt Ecclesiæ vniuersali, quæ est Sponsa Christi, sua reddarur pulchritudo & venustas, quæ maxime elucet in conformitate & vnitate omnium rituum ad Dei cultum spectantium. Ad quam rem deseruire maximè poterit vniuersalis in omnibus Diœcesibus obseruatio Rubricarum Romani Breuiarij. hoc modo omnes Ecclesiæ particulares erunt Romanæ Ecclesiæ, omnium matri, conformes. Si nihilominus aliqua Ecclesia, aut Regularis Ordo, ex Summi Pontificis indulto, proprios ritus habere permittetur, in eo saltē conformitas vntasque elucebit, quod sicut ritus

*Ecclesiæ
pulchritu-
do redditur
venustior
ex rituum
vnitate.*

partic
Rom
ni leu
ce, C
meliū
earun
sulta I
quid
quibu
bi psa
do la
maio
Præla
moda
quam
est D
form
vbi v
omni

P
ti
rum
ipsæ
cond
ac ce
custo
cus
suos

particulares ab eodem vnico fonte (ab Ecclesia Romana) cognoscentur accepti , ita erunt ab omnibus leuitatis labo immunes. Experientia enim dulce , coacti sumus videre haud paucas leuitates , melius forsan dixerim profanitates , in Officiis earum Ecclesiarum , quæ proprias sibi , inconsulta Roma , præscripsere Rubricas. Vidimus , ut quid peculiare de his leuitatibus significetur , in quibusdam solemnioribus festiuitatibus præscribi psallentibus potum ceruisia & vini , aliquando largiori aliquando parciori mensura , iuxta maiorem minorēmve Officij solemnitatem , à Prælato tribuendum. Quare par est , vel omnimodam seruare rituum unitatem , vel ad eam , quammaxime fieri potest , accedere ; ut sicut unus est Deus cui cultus exhibetur , ita una sit colendi forma apud omnes vbiique nationes & regiones , vbi unus idemque colitur Deus , cui sit semper omnis honor & gloria.

C A P V T XIII.

*Temporum inordinatio caueatur in
diuino Officio.*

PERFECTA ordinis ratio sicut tempora operationibus præscribit , ita eorumdem temporum obseruationem maximo studio tuetur , vt ipsæ operationes reddantur perfectiores. Inter Temporum conditiones viri iusti ab Hymnographo cognitas obseruatio ac celebratas , illa est præcipua , vt temporum sit ^{est maximi} custos solertissimus ; nam assimilatur arbori secus decursus aquarum plantaræ , quæ fructus suos reddit temporibus præscriptis : *Et erit tam-* Psal. I.

Ll 4

quam